



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Post Pvblicationem Edicti, quid facere debeat Inquisitor.

urn:nbn:de:hbz:466:1-13589

Forma secunda pro eodem.

Nos frater N. ordinis Prædicatorum in domino, talis domini, Inquisitor hereticæ prauitatis a sancta sede Apostolica specialiter delegatus, totis nostris affectibus inhiantes, omnibus nostris præcordijs affectantes populi Christianum in vinitate, & sinceritate catholice fidei conseruari, ac ab omni peste prauitatis hereticæ visceraliter elongari: Idecirco nos frater N. Inquisitor præfatus, cui ex iniuncto nobis officio, hæc incumbunt, ad gloriam, & honoré recolendi nominis Iesu Christi, & ad exaltationem sanctæ fidei orthodoxæ, atque ad depressionem hereticæ prauitatis: vniuersis, & singulis cuiuscunque gradus, conditionis, status, ordinis, religionis, ac dignitatis existat, qui sunt infra terminos huius ciuitatis talis, ac talis, aut circa illam ad duas leucas, ad quorum notitiam nostra peruenerint hæc madata, auctoritate Apostolica, ac iniuncti sancti nobis officij, qua fungimur in hac parte, in virtute sanctæ obedientiæ, ac sub excommunicationis pœna præcipimus, & mädamus, ac mädando requirimus, & monemus, quatenus infra duodecim dies proxime computandos, quorum primos quatuor pro primo, & reliquos quatuor immediatos pro secundo, & vltimos quatuor pro tertio termino, & peremptorio, ac trina monitione canonica assignamus, vt nobis reuelent, si sciunt, viderunt vel audierunt aliquam personam esse hereticam, diffamatam de heresi, vel suspectam, aut peruersam sapiëntem de articulis fidei, seu ecclesiasticis sacramentis, ac alias a comuni conuersatione fidelium vita, & moribus dissidentem, & in speciali talem heresim, nunc vigentem, defendere, approbare, vel alias dogmatizare, ponatur que est illa, vel ille: alias si nostris, immo verius Apostolicis antefatis monitis, & mandatis non paruierint cum effectu præmissa infra prætaxatum terminum reuelando seiat se excommunicationis sententiam in omnes, & singulos taliter, vt prædicatur, contumaces, præfata nostra monitione canonica præeunte, & eorum inobedientia requirere; nunc vt ex tunc, & tunc ut ex nunc, ferimus in his scriptis: absolutione harum sententiarum nobis, & domino nostro Papæ tantummodo referuando. Datum & cæt.

Post publicationem edicti quid facere debeat Inquisitor.

QVA sententia vel simili in effectu in vulgari promulgata, Inquisitor habet facere tria. Primum est, sententiam antedictam breuiter explicare ad certa puncta eam redeundo, ut melius populi memorię in figuratur: dicendo hæc vel similia in effectu. Ista sententia stat in trib. punctis. Primum est generalis: vt si scitis aliquem hereticum vel de heresi suspectum seu diffamatam, quod reuelatis eum nobis. Secundus est spe-

A cialis: vt reuelatis si scitis aliquem dogmatizare errorem de proprio vel communi, seu talē. Tertius est singularis: vt si scitis aliquem tenentē libros heresum, seu dæmonum inuocationum.

Secundum, quod habet facere Inquisitor est indulgentias promulgare dicendo: Auctoritate domini nostri Papæ, ego conféro cui libet vestrum, qui venistis ad sermonem istum, indulgentiam quadraginta dierum. Et idem dominus noster Papa dat tres annos de indulgentia omnibus qui præfuerint in officio meo, & ad hereticos reducendos, consilium, auxilium, vel fauorē: quare iste qui legit sententiā antedictā, habet tres annos.

B Et quicumque reuelauerit mihi aliquem hereticum vel diffamatam de heresi, vel suspectum, seu alias in causa fidei perhibebit coram me verum testimonium, habebit alios tres annos de indulgentia, quare sitis diligentes, vt habeatis. De istis indulgentijs cōstat in privilegio Urbani IIII. quod incipit: Præ cunctis. quod privilegium supra est insertum.

Tertium, quod habet facere tunc Inquisitor, est, tempus assignare gratiæ, dicendo sic: Et ego auctoritate Apostolica de gratia speciali assigno omnibus hereticis, eredentibus, fautoribus, receptoribus, & defensoribus hereticorum, ac de heresi diffamatis vel suspectis, si qui sunt in tota ista diocæsi, totum mensem immediate sequentem, seu tantum tempus, infra quod libere veniāt ad me, nec expectent se denuntiari, ac cusari vel capi: infra quod tempus gratiæ si libere, & spontanea volūtate ad me venerint, & reatum suum reuelauerint, & veniā petiuerint, magnam veniam, & misericordiam consequentur. Si autem expectauerint quod accusentur, denuntientur, citentur, vel capiantur, vel tempus gratiæ transire permiserint, & post venerint, tantæ gratiæ non erunt digni: quare veniant infra tempus gratiæ assignatum.

D Quibus peractis poterit Inquisitor præfatas suas sententias admonitorias attingi facere in valuis Ecclesię dictæ cathedralis, vt ab omnibus possint legi.

Quibus duobus terminis assignatis, vno hereticis eredentibus, defensoribus, & c. in speciali: alio omnibus ad denuntiandum, si sciuerint aliquem hereticum, vel diffamatam generaliter, & c. spectet ipse Inquisitor, & attendat, quod non discursat, sed in domo (vt in pluribus) personaliter persistat, vt ibi inueniatur si veniunt hi, vel illi.

De sponte uenientibus in tempore gratiæ, & crimen suum Inquisitori prodentibus.

QUOD si infra terminum assignatum hereticis eredentibus, fautoribus, & c. quod tempus gratis a doctoribus nominatur, aliqui ad dictum Inquisitorem accesserint, qui dicant, & recognoscant se in aliquā heresim incidisse, ille credidisse vel hereticis fauorē præstitisse, ne ad manus peruenirent Inquisitorum, & similia: circa istos, qui non

55 Promulgandæ indulgentiæ.

56 Tempus gratiæ assignandum sponte uenientibus.

tal. gratiam.

57

Spōte uenientes mitius tractandi.

non